



Informacija o preduzetim kriznim mjerama poduzetim od strane Ministarstva vanjskih poslova Bosne i Hercegovine

Ministarstvo vanjskih poslova Bosne i Hercegovine je od četvrtka, 15. maja u vezi elementarne nepogode - poplave, u skladu sa svojim nadležnostima poduzela niz mjera:

Aktivnosti smo podijelili u 2 kategorije:

1. Neposredna pomoć – spašavanje, humanitarna pomoć i sl.
2. Pomoć u sanaciji - dugotrajnija finansijska pomoć

Aktivnosti MVP BiH po pitanju neposredne pomoći:

- Telefonski razgovori prvog dana krize zamjenika predsjedavajućeg i ministra vanjskih poslova BiH dr. Zlatka Lagumdžije i prve potpredsjednice i ministricе vanjskih i evropskih poslova Republike Hrvatske Vesne Pusić. Vlada Republike Hrvatske je uputila dva helikoptera i četiri čamca sa posadama.
- Istovremeno, Ministarstvo vanjskih poslova BiH je u skladu sa svojim nadležnostima zatražilo od nadležnih organa BiH da se omogući dolazak ove pomoći iz Republike Hrvatske.
- MVP BiH je, nakon direktnog poziva nadležnim službama Slovenije, u petak obaviješteno putem Ambasade BiH u Ljubljani, a iz Ureda Republike Slovenije za zaštitu, da je Vlada Republike Slovenije donijela odluku da ponudi pomoć u obliku materijalnih sredstava i spasilačkih jedinica. Spasilačka ekipa s dva helikoptera krenula je u petak, a ekipa sa 4 čamca u subotu ujutro.
- Ministar vanjskih poslova BiH je koordinirao 16. maja sa Operativno komunikacijskim centrom Ministarstva sigurnosti BiH i Ministarstvom odbrane BiH aktivnosti oko sjednice Vijeća ministara na kojima je odobreno dodatnih 600.000 KM za reagiranje u ovoj situaciji.
- MVP BiH je kontaktiralo Ambasadu Ujedinjenog Kraljevstva u BiH, nakon čega je potvrđeno da iz UK u 18h večeras stiže 36 specijalaca obučениh za vanredne situacije kao i avion pomoći za područja pogođenа poplavama.
- MVP BiH je takođe kontaktiralo Ambasadu Italije u BiH, koji su poručili da će stupiti u kontakt sa svojom Civilnom zaštitom, te se nadaju pozitivnom odgovoru.

- ✓ Italijanska kooperacija odvojila je 100.000 dolara za humanitarnu pomoć za stanovništvo Bosne i Hercegovine, pogođeno poplavama izazvanim obilnim kišama (najnasilnijim, registriranim u posljednjih 120 godina) koje su se sručile na ovu regiju posljednjih dana.
- Tim za krizne situacije Ministarstva vanjskih poslova BiH, u skladu sa internim pravilnikom i u cilju koordiniranog djelovanja u vanrednoj situaciji, održao je četiri sastanka (15. maja 2014. u 16h i 16. maja 2014. u 15h, 17. maja u 11 sati, 19. maja u 10.30 sati).
- Upućeni su dopisi Predsjedništvu BiH i Vijeću ministara BiH da Ministarstvo vanjskih poslova BiH stoji na raspolaganju za sve potrebne aktivnosti u slučaju donošenja odluke o upućivanju zahtjeva za pomoć drugim državama i međunarodnim organizacijama.
- Ministarstvo vanjskih poslova BiH informisalo je ambasadore BiH i sve uposlenike u DKP-ima da se aktiviraju u hitnom upućivanju zahtjeva za humanitarne i druge vidove pomoći međunarodnim organizacijama i institucijama u državi prijema.
- Upućen je dopis Ministarstvu sigurnosti BiH kojim se informiraju o dežurnim kontakt telefonima i da Ministarstvo vanjskih poslova BiH stoji na raspolaganju za sve potrebne aktivnosti vezane za pružanje međunarodne pomoći.
- Predstavnici Ministarstva vanjskih poslova su u četvrtak, 15. maja 2014. u večernjim satima boravili u Operativnom centru Ministarstva sigurnosti BiH, gdje su zamjeniku ministra sigurnosti BiH Mladenu Čvaru i predstavnicima relevantnih institucija ponudili konkretnu pomoć u artikuliranju zahtjeva za međunarodnu pomoć u spašavanju. Ministar vanjskih poslova BiH bio je u stalnom kontaktu sa čelnicima Operativnog centra i prema potrebi boravio na licu mjesta.
- Predstavnici Ministarstva vanjskih poslova su 16. i 17. maja 2014. boravili u Operativnom centru Ministarstva sigurnosti BiH, kako bi razmjenili informacije, te su svoje djelovanje kontinuirano koordinirali sa Operativnim centrom.
- U Operativnom centru je istaknuto kako Centar ima već uhodane mehanizme i procedure za traženje međunarodne pomoći u kriznim situacijama i naglasili da će se obratiti MVP BiH za pomoć ukoliko bude potrebno.
- Ministarstvo vanjskih poslova BiH održava kontinuirani kontakt sa diplomatsko-konzularnim predstavništvima BiH u svijetu na pružanju informacija o stanju i neophodnoj pomoći za stanovništvo područja ugroženih poplavama.

- Ministarstvo vanjskih poslova BiH održava kontinuirani kontakt sa stranim ambasadama i ministarstvima vanjskih poslova u cilju osiguranja neophodne pomoći stanovništvu područja ugroženih poplavama u BiH.
- Ministarstvo vanjskih poslova BiH je uputilo u petak, 16. maja 2014. cirkularnu obavijest svim ambasadama BiH o humanitarnim organizacijama iz oba entiteta (Crveni krst/križ) koje su oglasile pozive za pomoć, te je MVP instruisalo DKP da upute zainteresovane predstavnike bh dijaspore, strane građane i privredne subjekte na uplaćivanje finansijske pomoći ovim organizacijama (Crveni krst/križ). Informaciju sa istim sadržajem Ministarstvo vanjskih poslova BiH je postavilo na svojoj web stranici na našem i engleskom jeziku.
- Ministarstvo vanjskih poslova BiH je putem Ambasade BiH u Zagrebu i Ambasade Republike Hrvatske u Sarajevu, a slijedom upita građana BiH i medijskih natpisa provjerilo informaciju i došlo do saznanja da je Ravnatelj Uprave za policiju Ministarstva unutrašnjih poslova Republike Hrvatske dalo internu instrukciju da se izuzetno, radi vremenskih nepogoda a iz razloga humanosti, može dozvoliti prelazak granice i tranzit kroz RH državljanima BiH sa osobnom kartom o čemu su obavijestili Graničnu policiju BiH.
- Ministarstvo vanjskih poslova BiH je zatražilo od nadležnih organa Republike Hrvatske da se omogući hitan prolazak vozila Tuzlafarma koji je preko teritorije Republike Hrvatske nosio lijekove u ugrožena područja BiH.
- Ministar vanjskih poslova BiH je sa nadležnim čelnicima Operativno-komunikacijskog centra održao sastanak u funkciji priprema za organiziranje briefinga za diplomate akreditirane u BiH i dogovorio metodologiju prema kojoj će se pripremiti informacije za:
 - *urgentna/krizna pomoć*
 - *kratkoročno saniranje šteta u prvih mjesec dana što uključuje detaljno snimanje ukupnih šteta u BiH*
 - *ilustraciju šteta sa konkretnim slučajevima sa područja cijele BiH, gdje imamo potpune informacije kako bi se mogao predstaviti stepen ukupne štete koji će se, evidentno je, mjeriti milijardama konvertibilnih maraka*

- Ministar vanjskih poslova BiH je u kontinuiranom telefonskom kontaktu sa ministrima vanjskih poslova prijateljskih zemalja (Hrvatska, UK, Katar...) sa kojima je dogovara konkretne načine pomoći BiH:
 - ✓ neposredna pomoć – spašavanje, humanitarna pomoć i sl
 - ✓ pomoć u sanaciji - dugotrajnija finansijska pomoć
- Nakon razgovora Ministra vanjskih poslova BiH sa Ministrom vanjskih poslova Države Katar, ambasada Države Katar najavila da je Emir Države Katar najavio slanje aviona pomoći. Avion bi trebao doći danas ili sutra. U koordinaciji sa Komunikacijskim centrom, Ministarstvo vanjskih poslova dostavilo spisak najhitnijih potrebnih stvari za pomoć ugroženim područjima.
- U Ministarstvu vanjskih poslova BiH održan briefing za ambasadore
- Nakon 3. vanredne sjednice Tima za krizne situacije Ministarstva vanjskih poslova BiH, formiran je Operativni tim grupe službenika koji će samo raditi na poslovima u vezi sa situacijom izazvanom poplavama. Operativnim timom MVP će koordinirati Nermin Mešinović, šef Odsjeka za vizno-pasoške poslove – ministar savjetnik. Operativna grupa će provoditi sve potrebne aktivnosti i komunikaciju sa DKP mrežom BiH, stranim DKP u BiH, Ministarstvom sigurnosti BiH, Upravom za indirektno oporezivanje BiH i drugim relevantnim institucijama u vezi sa novonastalom situacijom u BiH.
- Na sastanku Tima dogovoreno je da je potrebno hitno uputiti novu dopunjenu instrukciju prema DKP-ima BiH u kojoj će se dostaviti svi potrebni podaci za dopremu humanitarne pomoći u BiH, a s obzirom da je UIO (Uprava za indirektno oporezivanje) BiH obavijestila da se u dosadašnjim kontaktima sa Operativnim centrom Ministarstva sigurnosti BiH, humanitarna pomoć (roba) najavljuje pismom (udruženja, međunarodne organizacije, diplomatskih predstavništava i sl.) koje je ovjereno pečatom sa detaljima o datumu putovanja, vozilu, graničnom prijelazu, mjestu kojem je roba namijenjena u BiH i sl. Instrukcija proslijeđena u utorak 20.05.
- DKP BiH nastavljaju sa pridržavanjem internog rasporeda dežurstava, pri čemu će barem jedan diplomata biti dostupan na službeni telefon nakon radnog vremena kako bi se, u slučaju potrebe, održala komunikacija sa bh dijasporom u zemlji prijema i Operativnim timom MVP.
- DKP BiH aktivno učestvuju u koordinaciji kako neposredne pomoći koju udruženja i privatni subjekti zemalja prijema šalju u BiH, tako i u pronalaženju načina za osiguravanje dugotrajne sanacione pomoći za pogođena područja.

- Također je neophodno ažurirati web stranice DKP-a u cilju pravovremenog i preciznog informisanja prvenstveno bh dijasporu, bh građana u zemlji prijema kao i zainteresovanih stranih medija.
- Sjedište MVP je upoznalo DKP mrežu sa mogućnostima doniranja nefinansijske i finansijske humanitarne pomoći preko entitetskih organizacija Crvenog krsta/križa.
- Sjedište MVP će upoznati DKP mrežu BiH sa listom potreba za ugrožena područja kako bi se isti zatražili od zemlje prijema.
- Ministar vanjskih poslova održao niz intervjua (uključujući BBC News) te dao niz izjava za medije povodom situacije u zemlji
- Ministar vanjskih poslova održao niz bilateralnih sastanaka sa predstavnicima međunarodne zajednice na kojima je upoznao sagovornike sa situacijom u zemlji
- Ministarstvo vanjskih poslova BiH je od četvrtka, 15.05. do danas dostavilo instrukcije svim diplomatsko-konzularnim predstavništvima kao i dopise BH institucijama:
 - Zahtjev za dopunu dnevnog reda sjednice VM proslijeđen na VM 16.05. 2014.
 - Informacija o prikupljanju humanitarne pomoći za stanovništvo poplavljenih područja broj: 06-01-05-4-15595/14 od 16.05.2014. (**prilog 1**)
 - Informacija za Ministarstvo sigurnosti broj: 07-50-2-15499-1/14 od 15.05.2014. godine (**prilog 2**)
 - Instrukcija za prikupljanje pomoći za poplavljena područja Bosne i Hercegovine broj: 07-50-2-15499/14 od 16.05.2014. godine (**prilog 3**)
 - Informacija za članove Predsjedništva i predsjedavajućeg Vijeća ministara od 15.05. 2014. (**prilog 4**)
 - Instrukcija o proglašenju Dana žalosti te potrebi da sva diplomatsko konzularna predstavništva Bosne i Hercegovine na dostojanstven i, tom danu primjeren, način podzmu sve neophodne aktivnosti (**prilog 5**)
 - Instrukcija o postupanju diplomatsko-konzularnih predstavništava BiH tokom i nakon krizne situacije izazvane poplavama u BiH Broj: 01-05-4-15595-2/14 od 19.05.2014. (**prilog 6**)
 - Dopuna Instrukcije o postupanju diplomatsko-konzularnih predstavništava BiH tokom i nakon krizne situacije izazvane poplavama u BiH Broj: 01-05-4-15595-3/14 od 20.05. 2014. (**prilog 7**)
 - Obavještenje o otvorenim računima i instrukcije za uplatu sredstava od 20.05. 2014. (**prilog 8**)

- Informacije o aktivnostima diplomatsko-konzularnih predstavništava BiH vezano za prikupljanje pomoći za poplavljena područja BiH svakodnevno dopijevaju u sjedište MVP

Aktivnosti poduzete u cilju osiguranja pomoći za sanaciju:

- Ministarstvo vanjskih poslova BiH uputilo je instrukciju svim DKP-ima BiH da ispitaju mogućnosti u zemlji prijema za pružanje pomoći BiH i sanaciju nastale štete.
- MVP BiH je također uputilo 17. maja 2014. cirkularnu notu stranim DKP u kojoj je zatražilo razmatranje načina na koje se može pružiti bilateralna i multilateralna finansijska pomoć za saniranje štete.
- MVP BiH je uputilo notu svim stranim DKP u BiH kojom je pozvalo strane ambasadore na briefing u ponedjeljak u 12:00 kako bi se razmotrile mogućnosti pružanja sanacione finansijske pomoći za područja pogođena poplavama.
- U MVP BiH 19.05. održan briefing sa svim ambasadorima i šefovima misija stranih DKP u BiH na kojem je upućen apel stranim DKP da ispitaju mogućnosti pružanja sanacione finansijske pomoći područjima pogođenih poplavama. Teme sastanka bile su aktuelna situacija u BiH u vezi sa elementarnim nepogodama – poplavama koje su pogodile veći dio Bosne i Hercegovine, te načini i mogućnosti pružanja urgentne pomoći, kao i kasnije pomoći Bosni i Hercegovini u projektima sanacije šteta i rekonstrukcije objekata oštećenih u poplavama i usljed pokretanja brojnih klizišta.
- Ministar vanjskih poslova BiH uputio pismo svim ministrima vanjskih poslova kao i šefovima i direktorima međunarodnih organizacija u kojima ih upozna je sa trenutnom situacijom u državi te naglašava važnost uključenja međunarodne zajednice u pomoć BiH i to u dvije faze:
 - prva koja se tiče urgentne pomoći pogođenim područjima i stanovništvu
 - druga faza nužno osiguranje dugotrajne finansijske pomoći za sanaciju šteta i obnovu i rekonstrukciju zemlje

Između ostalog MVP operativno radi, urgira i rješava:

- ✓ izvršene najave humanitarne pomoci iz Ljubljane / kamion 12 tona vode i 12 tona odjece, iz Zagreba (Kraš Zagreb) donacija prehrambenih proizvoda i Donacije Azerbejdžana
- ✓ Humanitarna pomoz iz Ljubljane je imala poteskoce na carinskom prelazu Bosanski Brod zbog promjene u postupanju Uprave za indirektno oporezivanje, ali je u direktnim kontaktima MVP sa Upravom rijesen problem.
- ✓ Za donaciju Azerbejdžana je takodjer intervenirano jer je Operativna grupa imala urgencije zbog cekanja na raspodjelu pomoci na Aerodromu Sarajevo. Uspjesno završena koordinacija.
- ✓ Dana 20. maja su izvršene najave humanitarne pomoci iz Holandije, Slovenije (dva kamiona pomoci koje ce prevoziti Vojska R Slovenije) i Berlina (ekipe osposobljenih strucnjaka za osposobljavanje vodovodnih instalacija).
- ✓ Nermin Mesinovic (šef Kriznog tima za operacije u MVP) je u saradnji sa Operativnim centrom Ministarstva sigurnosti BiH sacinio dopunu instrukcije za DKP BiH kojom su dodatno pojasnjene procedure koje se provode prilikom ulaska humanitarne pomoci i potrebne dokumentacije.